

Opis i uslovi za pojedinačni ugovor (PU)

Naziv pozicije: Konsultant za sigurnosni aspekt migracija (1 pozicija)

Za rad odgovara i izvještava: Stručnoj službi za razvoj i međunarodne projekte Zeničko-dobojskog kantona

Mjesto rada: Zenica

Vrijeme angažmana: juni 2020. – septembar 2020. (20 dana stručnih usluga)

1. Svrha

Svrha ovih konsultantskih usluga je podržati proces strateškog planiranja u Zeničko-dobojskom kantonu (u daljnjem tekstu: ZDK) u skladu sa Odlukom o izradi Strategije razvoja Zeničko-dobojskog kantona za period 2021.-2027. godina.¹

2. Cilj

Cilj ovih konsultantskih usluga je pružiti visokokvalitetnu stručnu podršku Team leaderu i Stručnoj službi za razvoj i međunarodne projekte Zeničko-dobojskog kantona (u daljnjem tekstu: SSRMP ZDK) koja će rezultirati kantonalnom Strategijom razvoja za period 2021.-2027. godina. Procesom planiranja upravljat će Team leader, odgovoran za cjelokupnu koordinaciju tehničke pomoći, uz tehničku podršku tima konsultanata u određenim sektorima (ekonomski razvoj, okoliš i infrastruktura, društveni razvoj, organizacija događaja, komunikacijske aktivnosti i opće moderiranje za sve događaje, pandemija COVID-19 sa ekonomskog i zdravstvenog aspekta, problem migracija sa sigurnosnog aspekta i metodološka podrška i osiguranje kvaliteta).

Ove konsultantske usluge će osigurati da se cjelokupni proces strateškog planiranja provodi u skladu sa Zakonom o razvojnom planiranju i upravljanju razvojem u Federaciji Bosne i Hercegovine² (u daljnjem tekstu: Zakon) i uredbama donesenim na osnovu Zakona³, kao i najvišim standardima kvaliteta.

Konsultant za sigurnosni aspekt migracija neposredno će koordinirati sa Team leaderom. S tim u vezi, očekuje se da će ove konsultantske usluge dati rezultate u slijedećim glavnim segmentima strategije: (i) situaciona analiza i definisanje strateških ciljeva i prioriteta; (ii) predložene mjere koje odgovaraju utvrđenim potrebama; (iii) implementacija strategije, izvještavanje i plan evaluacije.

3. Opće informacije

Zeničko-dobojski kanton i njegov razvoj

Ključni dokument strateškog planiranja ZDK je Strategija razvoja Zeničko-dobojskog kantona za period 2016.-2020. godina. Ovaj dokument izrađen je nakon revizije Strategije razvoja Zeničko-dobojskog kantona za period 2010.-2020. godina.

U 2019. godini izvršena je srednjoročna evaluacija sa ciljem utvrđivanja stepena implementacije važeće Strategije razvoja, njene realizacije, kao i sumiranja rezultata i pružanja inputa za pripremu novih strateških dokumenata.⁴ Proces evaluacije proveden je u skladu sa Zakonom i Uredbom o evaluaciji strateških dokumenata u Federaciji Bosne i Hercegovine⁵ (u daljnjem tekstu: Uredba o evaluaciji).

Sa ciljem uspostavljanja ujednačenog pristupa planiranju razvoja, programiranju, finansiranju i upravljanju razvojem na svim nivoima vlasti u Federaciji Bosne i Hercegovine, a imajući u vidu da

¹ "Službene novine Zeničko-dobojskog kantona", broj: 1/20

² "Službene novine Federacije BiH", broj: 32/17

³ "Službene novine Federacije BiH", broj: 74/19

⁴ Zaključak o prihvatanju Izvještaja o srednjoročnoj evaluaciji Strategije razvoja Zeničko-dobojskog kantona za period 2016.-2020. za period evaluacije 2016.-2018. godina

⁵ "Službene novine Federacije BiH", broj: 74/19

važeća Strategija obuhvata period 2016.-2020. godina, pokrenut je proces izrade Strategije razvoja ZDK za period 2021.-2027. godina. Donesena je Odluka o izradi Strategije razvoja Zeničko-dobojskog kantona za period 2021.-2027. godina u skladu sa odredbama Zakona i propisima donesenim na osnovu Zakona.

Strategija razvoja sadrži prioritete prostornog razvoja ZDK i razvojne ciljeve definisane u Strateškim dokumentima Federacije BiH i dokumentima relevantnim za proces integracije Bosne i Hercegovine u Evropsku uniju.

Trenutno u ZDK postoje i Strategija zapošljavanja Zeničko-dobojskog kantona za period 2013.-2020. godina,⁶ Strategija omladinske politike na području Zeničko-dobojskog kantona za period 2018.-2022. godina,⁷ Strategija razvoja zdravstva Zeničko-dobojskog kantona 2016.-2025. godina⁸ i Strategija kulturne politike Zeničko-dobojskog kantona za period 2014.-2020. godina.⁹

Kada su u pitanju institucionalni kapaciteti za upravljanje razvojnim planiranjem, ZDK ima institucionalne kapacitete u okviru kantonalne administracije koji su posebno odgovorni za ove procese. Kanton je uspostavio SSRMP ZDK, a jedan od njenih osnovnih zadataka je planiranje i upravljanje razvojem. Proces izrade Strategije razvoja Zeničko-dobojskog kantona za period 2021.-2027. godina provodi se uz podršku UNDP-a, u sklopu projektnih aktivnosti „Metodološka i stručna podrška Zeničko-dobojskom kantonu u procesu izrade razvojne strategije 2021-2027“, a na osnovu potpisanog Sporazuma između SSRMP ZDK i Razvojnog programa Ujedinjenih nacija o implementaciji projekta integrisanog lokalnog razvoja (ILDLP).

4. Opis obaveza

Prema prethodno iznesenim općim informacijama, Konsultant za sigurnosni aspekt migracija će imati slijedeće specifične zadatke:

Zadatak 1: Stručna podrška u prikupljanju i tumačenju podataka i komentarisanje relevantnih dijelova socio-ekonomske analize i cjelokupnog dokumenta strateške platforme sa sigurnosnog aspekta problema migracija

Na osnovu prikupljenih kvalitativnih i kvantitativnih podataka i u uskoj saradnji sa ostalim članovima stručnog tima, Konsultant za sigurnosni aspekt migracija provodi analizu podataka kako bi definisao trenutnu situaciju, ključne probleme, razvojne potencijale, trendove i projekcije sigurnosnog aspekta problema migracija. Isto treba biti sadržano u nacrtu socio-ekonomske analize u dijelu sigurnosnog aspekta problema migracija, što će služiti kao osnova za proces strateškog planiranja.

Također, prilikom pripreme socio-ekonomske analize, Konsultant za sigurnosni aspekt migracija usko sarađuje sa Team leaderom kako bi se osiguralo da su svi relevantni podaci prikupljeni, te obezbjeđene povratne informacije i verifikovani rezultati.

Konsultant za sigurnosni aspekt migracija zajedno sa ostalim konsultantima treba da učestvuje na najmanje jednoj radionici sa ciljem definisanja strateških ključnih tačaka, razvoja vizije i strateških ciljeva. Dalje, ovaj konsultant daje komentar na odgovarajuće dijelove socio-ekonomske analize i strateške platforme te, ako je potrebno, koriguje i priprema nove nacрте dijelova tog dokumenta. U obavljanju ovog zadatka Konsultant za sigurnosni aspekt migracija dobija upute i podršku od strane Team leadera.

Predviđeno je da ovaj zadatak bude izvršen u periodu juni – juli 2020.

Zadatak 2: Podrška izradi Programskog dijela Strategije sa sigurnosnog aspekta problema migracija

⁶ “Službene novine Zeničko-dobojskog kantona“, broj: 10/13 od 26.08.2013. godine

⁷ “Službene novine Zeničko-dobojskog kantona, broj: 11/18 od 03.08.2018. godine

⁸ “Službene novine Zeničko-dobojskog kantona, broj: 1/16 od 29.01.2016. godine

⁹ “Službene novine Zeničko-dobojskog kantona, broj: 5/14 od 31.10.2014. godine

U sklopu ovog zadatka od Konsultanta za sigurnosni aspekt migracija se očekuje da osigura proces visokog kvaliteta kao i tehničku podršku Team leaderu i drugim konsultantima tokom faze programiranja sa sigurnosnog aspekta problema migracija. Ovo podrazumijeva pružanje uputstava i savjetovanje u definisanju prioriteta (i njihovih indikatora), mjere i projekte za dostizanje strateških razvojnih ciljeva identifikovanih kroz fazu strateške platforme. Zadatak također obuhvata izradu specifičnih nacrti i njihove korekcije te davanje komentara na relevantne dijelove dokumenta gdje je navedeno programiranje, a na osnovu podataka i verifikacije dobijenih od Team leadera.

Konkretno, podrška uključuje:

- definisanje ključnih tačaka i prioriteta sa sigurnosnog aspekta problema migracija;
- definisanje mjera i projekata uključujući indikatore, finansijske perspektive i kompatibilnosti sa relevantnim planskim okvirima višeg nivoa;
- zajedno sa ostalim konsultantima, učešće u najmanje jednoj radionici koja će osigurati izradu programskog dijela strateškog dokumenta, uključujući sve elemente relevantne za problem migracija sa sigurnosnog aspekta. Posebna pažnja se stavlja na osiguranje koherentnosti između mjera i projekata sa relevantnim prioritetima i ciljevima;
- obezbjeđenje konkretnih stručnih ulaznih podataka i nacrti relevantnih dijelova za praćenje Strategije, plana evaluacije i izvještavanja, uključujući izradu indikatora sa sigurnosnog aspekta problema migracija;
- obezbjeđenje konkretnih stručnih ulaznih podataka i preporuka za finansijske trendove i perspektive Strategije.

Predviđeno je da ovaj zadatak bude izvršen u periodu juli – septembar 2020.

Zadatak 3: Koordinacija pripreme i dostave dokumenata i zadataka iz člana 4. Odluke o izradi Strategije razvoja Zeničko-dobojskog kantona za period 2021.-2027. godina

Konkretno, pod vodstvom i na osnovu uputa Team leadera, podrška rješavanju problema migracija sa sigurnosnog aspekta, uključuje:

- izradu strateške platforme koja obuhvata određivanje vizije razvoja i strateških ciljeva;
- određivanje prioriteta i mjera;
- identifikacija strateških projekata;
- provjera međusobne usklađenosti strateških dokumenata;
- izradu indikativnog finansijskog okvira za implementaciju strateških dokumenata;
- definisanje načina implementacije, praćenja, izvještavanja i evaluacije strateških dokumenata;
- usvajanje strateških dokumenata uz prethodno provođenje procesa konsultacija.

Dodatno, od Konsultanta za sigurnosni aspekt migracija se zahtijeva, gdje je to moguće, poštivanje i implementacija preporuka iz srednjoročne evaluacije Strategije razvoja Zeničko-dobojskog kantona za period 2016. – 2020. godina,¹⁰ te učešće u obukama organizovanim od strane ILDP.

Konsultant za sigurnosni aspekt migracija zajedno sa drugim konsultantima učestvuje na najmanje dvije radionice koje treba da omoguće izradu strateških dokumenata kao i drugim događajima zahtijevanim od SSRMP ZDK poput događaja koji se odnose na rad Vijeća za razvojno planiranje i upravljanje razvojem u ZDK i Radnog tijela za izradu Strategije razvoja Zeničko-dobojskog kantona za period 2021.-2027. godina.

Predviđeno je da ovaj zadatak bude izvršen u periodu juni – septembar 2020.

¹⁰ Zaključak Vlade Zeničko-dobojskog kantona o prihvatanju Izvještaja o srednjoročnoj evaluaciji Strategije razvoja Zeničko-dobojskog kantona za period 2016. – 2020. godina.

Organizacijska pitanja

Važno je napomenuti da će cjelokupni proces strateškog planiranja podržati tim konsultanata, pri čemu će svaki sektor (ekonomski razvoj, okoliš i infrastruktura, društveni razvoj, organizacija događaja, komunikacijske aktivnosti i opće moderiranje za sve događaje, pandemija COVID-19 sa ekonomskog i zdravstvenog aspekta, problem migracija sa sigurnosnog aspekta i metodološka podrška i osiguranje kvaliteta) podržati odgovarajući konsultanti. Očekuje se da će Konsultant za sigurnosni aspekt migracija neposredno koordinirati i sarađivati sa svim angažovanim konsultantima i kantonalnim partnerima u bliskoj koordinaciji sa Team leaderom, te u skladu sa smjernicama i vodstvom Team leadera.

Tim konsultanata će voditi Team leader, koji će koordinirati zadatke unutar tima, objedinjavati inpute i biće glavna kontakt osoba između SSRMP ZDK i tima konsultanata. Osim toga, Konsultant za sigurnosni aspekt migracija će biti odgovoran i za kvalitetno izvršavanje specifičnih zadataka koji se odnose na planiranje u ovoj oblasti kao i za podršku uspostavljanju i funkcionalnom sistemu upravljanja razvojem u Kantonu.

Pod općim smjernicama Team leadera, konsultanti angažovani za određene sektore i pitanja će blisko sarađivati, dogovarati se o praktičnim modalitetima rada, podjeli obaveza kao i o koordinacijskim i komunikacijskim kanalima.

Konsultant za sigurnosni aspekt migracija će blisko sarađivati sa nadležnim kantonalnim institucijama i drugim ključnim donosiocima odluka tokom cijelog procesa.

Cjelokupne usluge konsultanta će biti realizovane na službenim jezicima u BiH.

Izlazni rezultati i rokovi

Konsultant za sigurnosni aspekt migracija je odgovoran za slijedeće izlazne rezultate:

Izlazni rezultati	Rokovi i potrebno vrijeme
<u>Zadatak 1: Stručna podrška u prikupljanju i tumačenju podataka i komentarisane relevantnih dijelova socio-ekonomske analize i cjelokupnog dokumenta strateške platforme sa sigurnosnog aspekta problema migracija</u> • Dijelovi socio-ekonomske analize koji se odnose na problem migracija sa sigurnosnog aspekta izrađeni u formi nacрта, pregledani i komentarisani; • Učešće na najmanje 1 radionici na temu izrade nacрта strateške platforme; • Sveobuhvatni nacrt socio-ekonomske analize sačinjen i verifikovan od strane Team leadera i SSRMP ZDK; • Sačinjena strateška platforma, verifikovana i odobrena od strane Team leadera i SSRMP ZDK.	juni – juli 2020. (8 dana stručnih usluga)
<u>Zadatak 2: Podrška izradi Programskog dijela Strategije sa sigurnosnog aspekta problema migracija</u> • Izrađeni nacrti ključnih tačaka i prioriteta u svim sektorima, verifikovani i odobreni od strane Team leadera i SSRMP ZDK; • Učešće na najmanje 1 radionici na temu ekonomskih sektorskih ključnih tačaka i prioriteta, projekata i mjera te njihove povezanosti sa razvojnim ciljevima u drugim sektorima, posebno uzimajući u obzir sigurnosni aspekt problema migracija;	juli – septembar 2020. (7 dana stručnih usluga)

- Definisani i elaborirani projekti i mjere, uključujući indikatore i finansijska sredstva, verifikovani i odobreni od strane Team leadera i SSRMP ZDK; - Izrađen nacrt plana praćenja, evaluacije i izvještavanja, verifikovan i odobren od strane Team leadera i SSRMP ZDK.	
<u>Zadatak 3: Priprema i dostava dokumenata i zadaci iz člana 4. Odluke o izradi Strategije razvoja Zeničko-dobojskog kantona za period 2021.-2027. godina</u> - Pripremljena strateška platforma koja obuhvata određivanje vizije razvoja i strateških ciljeva; - Određeni prioriteti i mjere; - Identifikovani strateški projekti; - Provjerena međusobna usklađenost strateških dokumenata; - Izrađen indikativni finansijski okvir za implementaciju strateških dokumenata; - Definisan način implementacije, praćenja, izvještavanja i evaluacije strateških dokumenata; - Usvojeni strateški dokumenti uz prethodno provođenje procesa konsultacija; - Učešće u drugim događajima zahtijevanim od strane SSRMP ZDK kao što su događaji koji se tiču rada Vijeće za razvojno planiranje i upravljanje razvojem u ZDK i Radnog tijela za izradu Strategije razvoja Zeničko-dobojskog kantona za period 2021.-2027. godina; - Učestvovanje u obukama koje organizuje ILDP.	juni – septembar 2020. (5 dana stručnih usluga)

POSEBNI USLOVI

Obrazovanje:	Visoka stručna sprema društvene, humanističke ili srodne struke.
Iskustvo:	- Ranije iskustvo u izradi analiza sa kvalitativnim i kvantitativnim podacima; 5 godina naprednog iskustva u izradi mjera i politika za rješavanje problema migracija kao i strateškom planiranju na lokalnom, regionalnom ili državnom nivou; - Uspješno završen trening trenera za strateško planiranje (TOT) u organizaciji ILDP-a; - Dokazane vještine i iskustvo u vođenju javnih konsultacija u procesu provođenja politika razvoja u Bosni i Hercegovini; - Izuzetno dobro poznavanje društveno-ekonomske situacije, trendova i izazova u Zeničko-dobojskom kantonu; - Dokazane analitičke vještine i sposobnost da koncipira i piše koncizno i jasno; - Dokazane komunikacijske i zagovaračke vještine i sposobnost da radi u okruženju koje zahtijeva povezivanje i saradnju sa različitim akterima uključujući predstavnike vlade i druge učesnike; - Sposobnost za rad u timu u složenim radnim uslovima.
Jezičke vještine:	Tečno poznavanje B/H/S jezika i odlično poznavanje engleskog jezika.

Uz prijavu kandidati su dužni dostaviti:

- Kopiju univerzitetske diplome društvene, humanističke ili srodne struke;
- Izvod iz matične knjige rođenih;
- Biografiju uključujući relevantno iskustvo i kontakt informacije (e-mail adrese) osoba relevantnih za iskustvo kandidata;
- Finansijsku ponudu sa bruto naknadom po danu pružanja stručnih usluga kao i ukupni iznos naknade za cio angažman (u BAM).